

光緒重修安徽通志

重修安徽通志卷二十四

輿地志

山川一

疆理既定山川宜詳紀矣非徒以志名勝亦不第以志隄塞禹貢九州代殊其號而名山大川終古可按圖而稽故講輿地者必於山川求之舊志言霍副衡岳江淮河皆經安徽境於五岳得其一四瀆兼其三而派別支分復不可以殫述

盛世典隆望秩川岳懷柔稽登封於漢儀溯安流於禹績所宜詳也今攷舊文參以沿革賡續近事述輿地志山川

安慶府

大龍山 府東北三十里北障郡城如列屏展皖封鎮山也山勢蜿蜒若龍故名上有龍井一名天井一名雷澤井四時不竭

旱則禱焉山陽隸懷甯山陰隸桐城最高峯曰三鄉尖又有地
維峯倚山之半其東出者曰小龍山由大龍中出兩山相夾如
門者曰龍門山其北四十里有白麟峯又府北六十里有磨山
附巡撫陶澍修建天井龍神祠孚澤亭碑記皖城之北三十餘里
若幕蜿蜒而磴碑者大龍山也或曰皖於古名龍舒以此或曰
孟參軍所從落帽者記載闕如莫得而詳也其山兩麓有靈湫
介兩厓間是曰天井爲神龍之所翕棲前明洪武中敕封天井
順濟龍王國朝因之循靈湫而西有祠建自明成化甲辰至
我朝屢加修葺邦之人閔雨則禱道光四年夏兼旬弗雨澍
爲文以禱獲應猶未遲也六月十一日晨興屏騎從詣山巔親
禱於龍湫之上其時赤日當空余自集賢關騎行十餘里至祠
所荒庭摧落展拜於苔苔瓦礫間徒步登山約三里許始抵白
馬石前俯天井而致禮焉歸途塵埃凜空余方端端然懼無能
爲民請命以爲神羞比入城而雨足竭然忽至速轅門則湧花
立沛邦人皆喜計是日往返烈日中凡七十餘里而雨大至又
前後遺廬州府宋守安慶府汪守往禱輒得雨其應如響歲則
大熟噫上年水災之後吾民顛沛流離元氣未復微此雨其何
以蘇念及此而神之賜大矣神之食報尤宜矣爰擇基於靈湫
之右岸因崖爲廣而建亭焉名之曰孚澤以答靈貺更率屬鑄
廉重新祠宇而紀其事於石系以辭以爲邦人無疆之庥之禱

辭曰龍山兮嵯峨巖壑兮硤礧羣峭摩空兮爛天葩朝煙夕
霧兮龍伯之所家是爲天井兮石洞豁舒六時不塵兮一雨皆
花神之翕兮偃虬戶而息鯨牙神之出兮擁玉螭而掣金蛇朝
神游兮淮浦夕神憩兮江沙阿香萍號相從兮如麻雲中之君
兮分列以徘徊顧大地之盼澤兮分瓊液與流霞沛醴泉爲甘
雨兮盈甌婁而逮汙邪慰三農之厚望兮播百穀而孔嘉穎靈
貺之長昭兮祝
滿篝而滿車

拓澗山 懷甯縣東五十里南瀕江北阻湖盤旋數里爲縣下
關水口

柏子山 府西北二十五里一名百子山羣峯疊山盤鬱聳秀
最高者爲雲峯山口曰獅巖奇石棱峭下臨溪水諸峯飛泉皆
從此出山人種梅於此曰梅溪土性宜桃每春日花放爛然如
霞有嶺曰金阮爲出山路口又西北五里曰甌山象山馬鞍山
鏡山 府西北四十里石色瑩澈如鏡北有豹嶺多喬松又北
有山鉅峙笏立者曰雙峯三峯疊秀者曰寨基山

獨秀山 府西北六十里形勢突兀爲府城眾山之宗其近者爲桑山中多巖洞如層樓又有花山去硤石嶺五里上多竹茶黃山 府西四十里形如臥象當治湖之口亦名象鼻山又西十里有紫寶山三峯圓秀

大雄山 府西百里地名釋迦阪率律峭拔視眾山皆兒孫拱立登絕頂望皖水如衣帶山之東四十里曰愚公峯山之西曰俚子峯左右夾峙相近有太平山

騰雲山 府西百三十里其上常有雲氣雩禱時應相近有撼船山下有長河渡

盛唐山 府城中漢元封五年南巡江漢至於盛唐登禮灃嶽出樅陽作盛唐樅陽之歌晉時郭璞登盛唐山謂此地宜城唐因置盛唐郡宋嘉定十年以黃幹知安慶請建城於盛唐灣宜

城渡之陰卽此

西環山 桐城縣西十里石門懸瀑最奇明參政胡瓚三世居此一名官莊山

東環山 桐城縣東三十里一名魯紅林壑窅深與官莊相望舊傳魯肅遺蹟有試劍石又十五里有麻山

龍井山 桐城縣西十二里有龍潭深不可測溪山明秀西有烏石山栲栳山又西有五聚山王屋山

五峴山 桐城縣西一百里其山五重巖巘交映故名

碧峯山 桐城縣西北七里沿澗入南崖壁立千仞下有四洞可容數千人其側有披雪洞尤勝瀑水懸崖如練

龍眠山 桐城縣西北十里巖壑幽邃擅名江北與華崖山並峙宋李公麟歸老於此自繪龍眠山莊圖縣有東西兩龍眠與

舒城縣連界

投子山 桐城縣北二里相傳吳魯肅有子投此爲僧因名後爲唐大同禪師道場有三鴉伺曉二虎巡廊之異一統志魯肅與曹兵戰敗投其子於此宋劉興言周邦彥俱有詩詠其事上有趙州泉趙州和尚飛錫得泉處

華崖山 桐城縣北八里高聳橫峙多石草木繁茂中有龍井呂亭山 桐城縣北十七里吳將呂蒙屯軍於此故名

石門山 桐城縣北十里有石如門瀑布尤爲奇絕一名石門沖

北硤山 桐城縣北四十里卽古硤石山以在縣北故曰北硤兩崖相夾如關又名北硤關又西峽山在縣北四十七里魏張遼救皖至此築壘峽石名南峽戍

鳳石山 桐城縣東北三里有獅子巖偏北有觀音崖崖隱二百餘丈下臨同陂又有卓錫泉虎跑泉仙姑井

洪濤山 桐城縣東北四十里山高廣每天雨則水下流如洪濤故名

桐梓山 桐城縣東三十里峯巒明秀雨霽尤佳

大凹山 桐城縣東四十里平地突起嶙峋多怪石爲東鄉羣山之冠

浮山 桐城縣東九十里一名浮渡山又名符度山肇宇記其峯七十有二有石龍如來抱龍諸名而妙高最高其巖三十有六有會聖金谷九曲首楞晚翠五雲翠華海島諸名而大通飛瀑最奇明鍾惺記無巖不樹無徑不竹無石不苔無澗不花西南有獨峯號爲創山直上千仞附明方學漸浮山賦皖襟三江以山爲國

相據其曲四塞皆山龍窟襟其南縹緲峙其北華產障其西山
山表其東崇峻瓌璋出霧蒸雲壯觀具矣元覽略焉惟浮山盤
鬱於中勢不甚高而品洞天間石溪地涌若神龍失鼓譟閭扉
依前潮乍驚浮空流蕩奇蹤異狀不可殫述名曰浮渡所從來
矣仙侶釋徒棲神代有梵宮踣趾道院負嶼信巨靈之巧構江
游之奇觀也方生性癖雲山結巢依麓秋曉春煦躡蹻孤登曠
曠怡懷驟然賦焉繫鴻蒙之未判兮肆頑洞而沆漭旋渾沌之
肇開兮峙者結而流者潏記蓬瀛於瀚海兮賴壘巖於巨鼇曷
存釣於任公兮致元閭乎漂搖來吾桐而凝止兮奠洪基於江
曲爰錫名乎浮渡兮儼方舟而嵒嶂表天柱以爲桎兮索地維
以爲纜石崢嶸而夾梳兮繫九疑於激澗乍鯨濤之震撼兮飛
龍浪之澎湃走鯨鯨於白晝兮嵐岌岌而駭潰臥壘變之蟠磅
兮試蚪龍於碧波曩雲選以上達兮扶羊角而斜過徐洞口之
劈畫兮柱差義其碣石羌龍虎以鍵關兮若旆懸而骨立湛玉
蓮之爛漫兮浴紫芝於元清鳴金雞於繆廊兮開穠闥於瑤圃
乃有危巖三十六兮堪徙倚而遊之別洞七十有二兮各獻媚
而爭奇越陸子而會勝兮列峭嶂而凌漢阿崑巍而巢嶧兮刻
嶙峋而澗漫窺杳闕之奧窔兮踞淋漓之石狀啟冰壺之列井
兮潏沚而澄之瓊漿麗層空而軒豁兮挺複棧於巖表結磊阿以
爲節兮徹玉虛而浩渺更石梯乎遶雲兮于星聚而躡虹鳥道
疑其莫度兮遠逕畏其難通轉側升而附蛸兮乃旋近於桑日
誰杵藥而飛翰兮畱荒臺於萃律緬野夫之芳韻兮戲丹穴以
俟來度仙橋於蛸繆兮布碁石於莓苔盼龍池之孤穎兮指拔
茅之雄峯睇華封於天外兮控皖嶽於雲中聖崇巖而汨汨兮

砥天池以成壑似清淺而沈沈兮泌靈猗而罔涸偃兔宮以肖
月兮翥鸞鸞而朝陽拂紫霞以度關兮踞元豹而踰踰而焦沃載
之倒液兮滴晴空之飛橋誰審源而長流兮洩尾閭而焦沃載
高巖之偏斗兮巖巖兮盈方丈而備巧闕日月於蓬壺兮約勝槩
於妙元會於總巖兮盈方丈而備巧闕日月於蓬壺兮約勝槩
於渺小何大治之型植兮置焉夷於天台激崇陵以廣洋兮參
蜃氣於層臺爰縱觀乎寶藏兮奚珍錯之不具紛縱縱而莘莘
兮極霄壤以加富馴優乎青麟迴翔乎朱雀慶慶乎元康療療
乎白鶴龍隱乎石池虎伏乎林薄嘯月乎狙猿吟風乎鶴鵲蔽
日乎松杉參天乎梓柏修竹平綠漪茂篠篠平翠嶠嶠乎桂叢
芳芬乎蘭若垣合乎千葩岸盈乎百藥每青陽之啟運兮流景
輝而彌光也游土女而絡繹兮道擊穀而聯裳也即秋氣之搖
落兮擷羣英而履霜也飛鳥戢而崆峒兮清風肅而琳瑯也逝
朱陽於昧谷兮若海曙之初陽也返煙光而生色兮何夕嶠之
多祥也是以仙命侶而乘勝俯雲閣而下棲釋絨經於密室坐
碧玉而忘機騷人發其刳匄宣金石而振響哲士募乎皋蘭輕
千里而嚮往邇太古而問敬幻左慈於漢末紆宏景之相猶潤
曹松之詩囊巖屢託於前哲墓猶指乎遠公暨歐蘇與僧瑞尤
倡和以同風若乃藉隄塞以屯戍峇崎嶇而禦暴翼威武於貔
貅匪祇靈之攸好白沙嶺之下築陽明亦欲選奇則有道之振
鐸樹茲土之鴻儀觀華巖之廢址憐梵宇之荒唐欽賢館之壯
麗將正學之寢昌稟二儀以握珍對千仞而仰止期不負於斯
山暢幽懷而莫已亂曰麗資厚質乃中虛兮廓然有容君子居
兮龍潛巖伏越羣偉兮勿謂嶮阻君子求兮清源冽冽石其爛

國朝劉大櫟浮山記

今君子飲之渥若丹兮巍我屹屹天柱尊兮峻極穹窿
我則欽兮先登者誰涉其巔兮漱泉枕石洞其天兮
浮山自東南路入曰華嚴寺寺在平曠中竹
樹殆以萬計而石壁環寺之背削立千尺入
天其色紺碧相錯雜如霞春夏以往嵐光照遊者衣袂踰寺東
行循九曲澗登山之半曰金谷巖大石中空上下五十尺東西
百有二十尺裝巖爲殿架石爲樓鑿壁爲石佛而棲丈六金像
於其中其石宇覆蔭佛閣而宇之峻削直上者猶二丈餘望之
如丹障四時橋涵清漚其左爲僧廚廚亦在巖石之中巖之北
壁有洞窺之甚黑以火燭之深邃殆不可窮丹障之西障垂欲
盡石折而水出小橋跨之過橋而圓如覆大甕其口沿澗曲折循石
罅以入至其中則廓然甚廣而圓如覆大甕其口沿澗曲折循石
上有複閣其頂開圓竅見天飛流從中直下數十丈如噴珠然
巖底四周皆石岸可容百人可步可環坐而觀焉以石擊其壁
響處殊然火礲於其中則如崖崩石裂聲聞十里外其中承
漚爲石池溢而至於巖口則伏而不見此所謂滴珠之巖也若
時值冬寒雨雪或凝爲冰柱屹立巖石之下尤爲瑰麗奇絕然
不常有蓋數十年乃一得之云自摘珠西轉是爲聞虛之峯綠
蘿巖在焉峭壁倚天古藤盤結石相女貞相與欹側被之無寸
土而堅而壁石中折一壚水從罅中出注而爲垂虹之井出金
谷而左陟其肩有大石穹起當道兩楹中虛如植玉環而埋其
半於地白遠望之天光見其下如弦月焉其旁怪石森列如獅
如象如鸞鵠甚眾不可名狀而首楞巖在獅石口吻內其中鑿
石爲几榻可弈可飲可以望江南九華諸峯如在宇下自首楞

緣仄徑西行有泉滴歷不斷者上方巖也往時泉漫流懸注金
谷之額自巖僧鑿石連規引其水入罇而金谷之檐溜微矣自
上方復西行有坪陂廣可數畝其形如漏卮其口則滴珠之飛
流所自來也自華巖之寺西行徑山麓田野中至松坪入之甚
深而隱背金谷而當山之豁者會勝巖也巖縱三十尺橫五十
尺卽巖內爲殿而架閣於其右一日坐閣上值大雷雨雲霧竊
冥閣前老松數十株隱見雲際森然如羣龍欲上騰之狀自巖
左拾級而上爲堂三間曰九帶之堂石三面抱之門外植四松
松下則會勝之檐溜也會勝之右有巖曰松濤有洞曰三曲洞
中乳石成柱委宛覆折而古木蒼藤蔽虧掩映冬夏常蔚然有
泉冷然出其下南流入峽中而朝陽洞在峽西石壁之半梯之
以登至亭午日景始出自會勝左出石壁西向巖洞鱗次曰棲
真曰棲隱曰翠華曰枕流而五雲巖在翠華之上望之如層樓
至壁之將盡則嵌石覆出如廊廊西乳石下垂如象蹄對峙爲
柱者二如闢三門焉金谷巖洞類宮庭會勝廊成列肆自三門
南出有石龍蜿蜒南行數百丈人亭其上左右皆俯臨大壑羣
木覆之溪水自陰翳中流去鏘然有聲自三門左轉一徑甚狹
垂泉爲簾者雷公洞也中有石池以閤人雷鯉讀書於此故名
自會勝迤西而北入石門則山之頂也其上平曠天池出焉有
大小三天池菰蒲被之鰕魚羣戲於其中又有大石坦夷上可
立千人石理成芙蓉經雨則紅豔如繪石盡則菜畦麥隴彌望
如在原野畦隴盡則又出石骨坡陀其側可以俯瞰連雲之峽
而危險不可下連雲峽在會勝石龍之西峽三方皆石壁如城
而闕其西南一面有巖在峽口之右石罅如蜂房架石爲寺鑿

石爲磴而登之冬時得南日最暖自寺左行有崖巖然高覆其
承雨溜者歲久正黑雨所不到石色猶赭黑相間斑駁不可
狀崖腹有巖曰野同又左崖檐有泉懸注側足循危徑以行人
在懸泉之內至峽之將盡有巖石理凹凸縝密如浮漚如浪波
之沄沄而崖簷之泉經勾擊越如聞風濤之聲名之曰海島出
連雲之峽又西北行有巖曰壁立之巖卽巖內爲殿而於其前
架樓以居其上重巖曰石樓其下有井不涸其前有石臺臺
之下有洞曰鼎爐其右有泉自峽而出曰桃花之澗跨澗爲橋
澗以全石爲底雨後泉穿橋而墮遊其下者自鼎爐以趨桃花
之洞則必越澗之委仰見飛流如噴雪其聲轟然人語不能相
聞也踰橋而西有巖石壁陡立不可入乃穴石爲門架石爲樓
而居之有巖曰月窟其西壁而轉有小洞洞內石穴如蜂房
其數蓋百有八名之曰總巖壁立之右有巖曰半月折而北有
巖高廠口西封舊有大石可羅百席石工採其石以去旣久而
窪積水深二丈焉旁巖三不知其名皆可遊又其西則雲錦廊
也自壁立之左而出石壁峭削不可攀好事者鑿石爲磴磴
受足凡百餘級五折而上名之曰繞雲之梯自壁立來者上梯
以矚天池自會勝來者下梯以趨壁立繞雲之南有巖曰披雲
登其梯之半其旁有洞曰夏玉浮山在桐城縣治之東九十里
登山而望之蓋東西南北皆水匯而山石嵒嶮空虛幾欲乘風
而去故名之曰浮山是山也自檣山迤邐而來北起而爲黃鶴
峯峯之西石壁削立千尺上豐而下飲其勢欲傾有洞在其上
曰金雞大如車輪四分石壁而金雞高得其三巔絕不可登當
其巔然下歛有二巖曰畢陶臨水而幽曰晚翠日西夕則巖受

之蓋與朝陽之洞不分一日云黃鶴之南有巖曰摘星地峻而
險其徑不容足巖之前有絕澗橫焉遊者皆苦其難至自摘星
而下其右有囊巖其口隘而其腹甚廣其左有兩石屹立高數
丈中距二尺許若人斧以斯之者名之曰夾桅之石石之右斷
虹峽也峽中有洞曰涌蒼曰橫雲自黃鶴東南復起而為外高
峯妙高者浮山之最高處也峯之半有巖曰凌霄登之則飛鳥
皆在其下自妙高之凌霄折而下至西北直上又得醉翁之巖
下有臨平原其巖石覆壓欲墜有僧構而居之巖樞皆如支柱然
中有泉甘冽異於他水其旁有闢巖他巖三面石而此獨四面
一戶一甌皆石以為之自妙高東南再起而為餘萊峯餘萊之
南則華嚴之背所謂石壁削立千尺者也壁有洞二曰定心曰
寶藏自定心寶藏而東有洞二曰長虹曰劍谷登妙高餘萊之
巔其間多大石皆奇有一石直立餘萊峯上當額一孔如秦碑
而其下方石整立如連屏摺疊煥然可數自黃鶴北迤是為翠
微峯翠微峯之西南壑中其水流而為胡麻溪由石龍之左循
溪以入其石壁之洞有三曰深遙曰石駐曰蛾眉折而南有小
峽峽有巖曰談元出峽而北有石梁二相並而跨於溪上溪以
全石為底而仰承二梁為一石名之曰仙人之橋雨則登橋而
下見溪水之奔流雲則橋下可通往來可羅几榻而居之自翠
微之東別起而為抱龍峯抱龍與餘萊並峙金谷之前金谷則
黃鶴之東面也登抱龍之巔有大石上平如砥曰露臺四望無
所蔽而風自遠來甚勁立其上則人輒欲仆臺之後有洞穹然
跨峯之脊左右豁達自東入則西見山之林壑自西入則東見
野之原隰臺前有老松枝幹蚪蚪曲蓋千歲物云自翠微西行是

爲翠蓋峯白翠蓋神而西南則會勝連雲壁立嶺月諸巖也自
嶺月而更西北浮山之西面也從其西以望之山如石几正方
而丹邱一掌二巖並立方几之下山之北戴土無巖洞而山中
有青鳥其聲百轉獨時時往來於白雲金谷之間他山未之見
也又有鳥狀類博勞日將入則鳴其聲如木魚

青山 桐城縣東百一十里有金雞洞石鼓又有石屋寺相傳
晉裴仙修煉之所草木秋冬亦青

山山 桐城縣東百三十里瀕江又名蓮花峯上有煉丹池風
洞西有周家山奇峯參天府志有元郡丞陳公甯墓
官山 桐城縣東六十里陳公甯去官後僑居之所

合明山 桐城縣東百三十里兩石相向天欲雨則瑩然有光
西有柳峯山勢如雲奔浪疊奇秀特異

黃公山 桐城縣東南九十里明建文時黃觀殉難後見神於
此山土人立祠祀之

黃連山 桐城縣東南百里峙湖畔與樅陽山相望懷潛舒桐四邑之水俱會於此

擣蒲山 桐城縣東南百十里有二石各高六丈如兩人相向擣蒲狀因名

摩旗山 桐城縣東南百二十里上有關侯廟相傳蜀漢時遣將駐兵於此有寨有鎮相近爲靈山上有靈湫俗名琵琶山又宿松縣西北七十里亦有摩旗山

潛山 潛山縣西北二十里一曰皖山又曰天柱山漢武帝南巡登禮潛之天柱山以代南嶽故一稱霍嶽又謂之副南嶽名山記明李元陽以爲其麓有漢祀壇是也山高千仞廣二百三十里周五百里六安霍邑在其北安慶潛邑在其南二邑皆以此山名縣一潛一霍實無二山也周大夫皖伯封國亦以此山

名上有左慈煉丹房東有激水冬夏懸流瀑布萬丈瑩然如雪
故又名雪山下有九井深不可測旁有石牀可容百人計峯二
十有二嶺八巖十有二源四洞十池三臺四疊嶂層巒空青積
翠瑰奇秀麗不可名狀實爲淮南江北諸山之冠其支山曰三
祖山有璨僧塔一名山谷宋黃庭堅僑居於此取以自號江南
云或有疑天柱山有二漢所稱南嶽乃霍山之天柱與瀟山之
天柱無涉而指霍之武陟指封諸山爲證云霍有登封遺蹟瀟
則無之也按漢書郊祀志云元封五年行南巡狩至於盛唐登
禮瀟之天柱山自潯陽浮江親射蛟江中獲之舳舻千里薄樅
陽而出作盛唐樅陽之歌史記及綱目亦同盛唐在安慶府
治內潯陽樅陽乃瀟山之上境向使武帝登禮天柱在霍而
不在瀟則胡爲必云瀟之天柱而上下所歷之地皆在瀟山且
胡不作武陟指封之歌而獨歌盛唐樅陽乎山之北流曰此水
亦名潯水由霍入淮山之南流曰皖水曰瀟水由潯入江今但
云泛江而不云泛淮則燔柴昭事必在今瀟山境內可知矣彼
又云六安霍山於漢魏晉宋俱稱瀟所稱瀟之天柱卽以霍山
言也然歷考諸史六安本屬六國皖瀟乃安慶境地東漢時安
慶屬廬江郡隸揚州唐元和二年改爲六安國續文獻通考云
舊以霍山縣置霍州後州廢仍爲縣梁改瀟山縣宋改六安軍

據此則六安名霍山又名潛山潛山為六安又為霍山皇
與圖表所云六安接壤山川連跨故諸書多互見之文是也此
潛彼霍縣雖分屬而天柱實無二山又可知矣按邑人金燕記
云爾雅之霍即天柱山潛水所出水經云霍山為南嶽在廬江
潛縣西北閱衡山別無霍山則潛山亦名霍山矣又按舊志皖
潛天柱為三山燕曾親陟山椒見峭拔如柱屹然獨尊者一峯
耳曰潛曰皖曰天柱即此山也其飛來三台等峯具有名稱且
與此山絕不類從古說山者曰舒州潛山最奇絕曰青冥皖公
山巖絕稱人意曰天柱一峯擎日月此皆一山三峯之明證脫
以中一峯為天柱而以旁連者為潛為皖乃縣以潛得名郡以
皖得名洞天以潛山名周大夫稱
皖伯舍其大而名其次必不然矣

玉鏡山

潛山縣北寔字記在懷甯縣北二十里

今之潛山唐懷甯縣

貞觀二年

舊志江南通志並作貞元此依本書

皖山東南忽然爆裂皎瑩如玉行

人遠見如懸鏡焉刺史呂渭奏聞因改萬歲鄉為玉鏡鄉

韋宇記文

此故亦名玉照山黃庭堅詩仙人持玉照畱在潛峯西是也山

東有主簿山相傳唐畢誠讀書於此

鳳皇山 潛山縣北十里宋王珪故宅在焉又有黃山以黃魯

直得名

崑崙山 潛山縣東北六十里上有泉舊志近置崑崙寨於此
相近有龍隱山亦名白崖山

牛眠山 潛山縣北七十里以形似得名麓有金鐘潭甚深又
北三里曰水吼嶺控天堂之勝

天堂山 潛山縣西北百四十里四壁高峻中敞如堂內有溫
泉龍湫又有黃沙碎石青風飛旗諸嶺及主簿原雙乳峯其相
連者曰羅源後霍公蓋金龜鯉魚及東山後山巖山左右環合
稱爲絕險

舊按一統志山北水人霍山縣界卽淖河山南水入太湖縣界卽薛家河山東南之水爲皖爲潛

閔山 潛山縣西八十里有果老嶺產茶甚佳

駕霧山 潛山縣南三十里山峯高峻雲霧常出其下

白雲山 潛山縣南八十里絕險壁立上有平坡懸橋以升舊

時結白雲砦於此有嶺曰帷嶺有溪曰澣溪

龍山 太湖縣西北二里

府志作三里

蜿蜒如龍磅礴多石下有龍

湫王安石詩吾欲鞭龍起爲霖徧九州謂此山也

石船山

太湖縣西北六十里有石如船故名

司空山

太湖縣東北六十里

一統志作一百三十里

高聳獨出山周四

十里其上平坦可數畝山半有洗馬池卽古司空原渚于司空

曾居此唐李白避地山中有詩云卜居司空原北將天柱鄰上

有太白書堂又有巨石相傳爲釋慧可傳衣處

新寨山

太湖縣西十里壁立險阻元末嘗立寨其上

龍門山

太湖縣西十五里兩山對峙若門上有龍泉聲如雷

激又西五里有夾羅山以夾羅溪而名又五里有松山又五里

有九重山

鳳棲山 太湖縣東南五十里與望江縣接界

香茗山 太湖縣南四十里左曰小茗右曰大茗大茗尤高峻
產硃砂險不可取上有煉丹處爲梅福遺蹟南與望江縣界去
大茗十里曰嵯峨山嶙峋多石亦界望江

四面山 太湖縣東北十里形方而銳四面如一又縣東北三
十里有白雲山

天頭山 太湖縣北四十里高峻冠諸山四面有河

獨阜山 太湖縣北四十八里迥出羣峰之上有石刻隴西二
字舊傳唐李白曾避地於此

百樂山 太湖縣北七十里相傳唐白居易曾居此後以白樂
名山絕巘有洞時聞異香懸溜可愈熱疾又傳爲高真人修煉
之所石牀丹竈尙存

瑪瑙山 太湖縣北一百二十里上多石類瑪瑙亦名瑪瑙峯
珠子山 太湖縣北百八十里孤峭干雲上有關與六安英山
分界

孚玉山 宿松縣東二里舊稱孚玉青峯爲縣十景之一又縣
東三十里有安峯山又有月山三面濱河形勢如月

鑿山 宿松縣東十五里有石洞口隘而中敞亦稱名勝

烽火山 宿松縣東六十里北齊及陳割以爲界有警則舉烽
火於此

響石山 宿松縣東南七里履之輒響如擊鼓然又縣東南十
七里有天韭山韭不蒔而生七十里有金唐山八十餘里有芙
蓉山

汾池山 宿松縣東南六十里周十餘里環山皆湖水漲則宛

在中央中列廛市崇禎中縣嘗徙治於此

馬頭山 宿松縣東南八十里峯岫紆迴如馬掉首故名晉書

桓宣傳祖約蘇峻作亂宣拒約不與之同欲南投潯陽營於馬

頭山祖煥遣眾攻宣宣求救於毛寶寶擊煥破之卽此

小孤山 宿松縣東南百二十里

江南通志作百四十里

突兀巘岼一柱

直聳天半舊云髻山相沿日久遂指小孤爲小姑非也山以特立不倚得名其云小者從彭蠡之大孤而別言之舊時山峙江

北岸與南岸澎湃磯相對江流至此湍激如沸海潮不得上元

天厯中立鐵柱於山曰海門第一關上有石級百十有一紆迴

而登明成化閒江水衝決北岸流日益廣自是屹立中流大江

環於四面其南有臘脂港北有蛾眉洲

附

國朝兵部侍郎彭玉麟詩

成豐丁巳九月十三日攻拔小孤山題壁云書生笑率戰船來江上旌旗耀日

開鼓吹萬舟齊奏凱
彭郎奪得小姑回

南臺山 宿松縣南三里又南一里曰長安山下有清官潭潭側爲桃花巖巖左半里有嶺曰餞客嶺

得勝山 宿松縣西四十里元余闕敗陳友諒於此

翠眉山 宿松縣西北五里小巒獨立河水環照山影若修蛾見於鏡中又五里曰靈隱山相傳馬祖禪師卓錫於此

銅鈴山 宿松縣西北三十里山界大道爲八省通衢外陡中平若城郭明史可法嘗駐此防禦流寇名曰同人堡

西源山 宿松縣西北五十里上有九井不竭井側有龍祠禱雨輒應又縣西北七十里府志作六十里有摩旗山其峯如捲旗相近

曰獨山孤尖迴秀明史可法嘗置天成堡於此

陳漢山 宿松縣西北八十里與蕪黃界相傳元末有陳漢者

結寨於此因名

邱家山 宿松縣西北九十里山陰爲蘄州界高矗雲霄爲諸峯第一亦名羅漢尖產茶

橫山 宿松縣北二十里迤邐十里秀河源出此

嚴恭山 宿松縣北三十里上有石長數十尋儼如人立俗呼石道人又縣北四十餘里有石門山五十里有白崖山與太湖英霍界六十里有張公山

孝感山 望江縣北十五里南畿志唐貞元中孝子徐仲源所居旌其鄉曰孝感亦以名山

磨叉山 望江縣北三十里有巨石如蛇象形又有磨叉痕及馬蹏人蹟亦有穴如錢空洞莫測

寶珠山 望江縣北五十里瀕湖眾山皆伏此獨突起圓明如

珠相近有張山劉山

石輝山 望江縣西北六十里亦名石灰其相近有鷓鴣山

值雪山 望江縣西十八里上有平岡相傳李白遊此值雪故名

麒麟山 望江縣西北二十里

者山 望江縣西北八十餘里大茗山之西十餘里接太湖縣界

大茗山 望江縣西北六十里嶺有巨石廣數丈屹立雲表上平如砥烟嵐常翳其半其旁出者曰小茗有蓮花峯峭峻秀麗南畿志唐羅隱曾居此

周何山 望江縣東一里相傳周瑜何無忌皆嘗駐軍於此

脊見嶺 府北十五里大龍山之脈伏而復見聳起如脊故名

後訛爲集賢

長安嶺 府西三十里路通潛山宋王安石有曉發長安嶺詩
卽此相近有龍見嶺谷神嶺

分龍嶺 懷甯縣西北五十里獨秀之南天柱之脈至此而分
東出爲大龍諸山西南出爲大雄太平諸山

子貢嶺 府西四十里相傳端木子之楚道經此地又西有山
離立眾山中如筍拔地曰虞公峯

硤石嶺 府西五十里山高數里澗水潺湲環澗多古木

挂車嶺 桐城縣西三十里三國吳朱桓謂硤石挂車兩道險
隘卽此

黃柏嶺 桐城縣東百二十里有南北二嶺路通無爲州界又
近城二十五里亦有黃柏嶺通舒城

梅嶺 桐城縣東南一百十里亦名梅林山

分流嶺 太湖縣東四十里有水分流其下故名跨潛山縣界

龍溪嶺 宿松縣西北二十里山下有溪舊按九域志宿松縣有龍溪鎮蓋置於此

小隘嶺 宿松縣西八十里阻山臨河路接荆舒爲防守要地

關嶺 宿松縣北五十里與太湖縣接界兩壁陡峙如門山最

幽深人蹟罕到

長嶺 望江縣西北四十里蘆新溝出此

分茅嶺 望江縣北六十里與太湖縣界本作分畝嶺

白雲巖 桐城縣東百三十里東西兩巖對峙又有四峯三洞

五小巖相連有雙尖山牛角尖俱極秀聳

雷公崖 太湖縣西北六十五里削立萬仞相傳其上嘗有異

獸如狻猊色赤有翼狀類雷神故名

銅鑼墩 宿松縣南三里元末余闕戰勝於此有河爲橫山諸水西流入大河處

紅墩 宿松縣東南七十里倉鎮水口其土赤色故名

九程阪 宿松縣東九十里地洿下四周皆水又鄧阪在縣西三十里三面皆水獨余嶺春冬陸路可至夏秋亦隔小河皆明末邑人避賊處

石牛洞 潛山縣西北十五里有唐李翱題詠縣志上谷寺有大石如牛眠石上有二蹠跡宋黃庭堅讀書於此時李公麟畫庭堅坐石牛上庭堅因自號山谷道人題詩其上所謂青牛駕我山谷道是也

西風洞 太湖縣西北十里明統志兩石壁立穴口闊五尺入內漸狹風從上出草木不生每六月閒環縣數里無蟲

豎筆尖 桐城縣東一百里卓立如筆奇秀峭拔爲一方諸山之冠縣南百里外雞籠山側亦有豎筆尖奇秀相等

懷乳尖 太湖縣東北二十里尖半有池其上有寨凡五門

大江 上游自湖廣黃梅縣東流入逕宿松縣南一百二十里對岸爲江西湖口彭澤縣界又東北逕望江縣十五里對岸爲池州府東流縣界又東北逕懷甯縣西繞城南而東又東北逕桐城縣東南一百二十里對岸爲貴池銅陵二縣接界又東北流入無爲州界歷府境四百二十里

長河 府西有二源一北自皖山一西自司空山俱會於石碑行七十五里至皖口又十五里入於江

灤河 府西七十里合潛水達長河入江

青山河 府西七十五里出西源山合潛水達灤河入江

黃馬河 源出潛山縣北山中樅陽河之上源也東流經懷甯縣北九十里又東南會沙河及北高河水達桐城縣西南爲練潭河至樅陽入江又井田河在懷甯縣西北六十里源出觀音洞口達於練潭河

積石河 府西北三十里俗名馬觜石河又東南流十里匯爲石門湖

高河 府北八十里合黃馬河諸水達桐城之練潭合樅陽河入於江

雙河 桐城縣東三十里一曰東河源出洪濤山一曰西河源出魯嶺麻山至此合流下經孔城由樅陽入於江

樅陽河 桐城縣東南百二十里源出潛山縣黃馬河東流經懷甯縣北九十里又東流經桐城縣西南七十里練潭驛南盡

匯二縣北境之水至樅陽鎮入江漢書武帝薄樅陽而出卽此

江南通志西引石塘北受練潭連九城河東入於江

沙河 潛山縣東六十里下合桐城之練潭入於江

九井河 潛山縣西北二十九里源出九井合於潛水

西源河 宿松縣西北五十里源出西源山經羊角山下入清

灣河

秀河 宿松縣東半里源出橫山黃栗沖二處委折二十餘里

出南臺山麓與縣西流合

上長河 宿松縣南五十里上承沔池河下出泊澇湖分三十

六段又下長河出縣南七十里上承泊澇湖下出望江縣泊湖

舊縣河 宿松縣東北三十里源出白崖諸山至縣東北五十

里曰止鳳河又至縣東北四十里曰馬湟河又至縣東北三十

二里曰黑羊河合荆橋河又三十里入望江縣泊湖其荆橋河匯縣東諸水別爲一支入黑羊河

縣步河 望江縣南門外其水受楊溪河水循周何山合後溪河水復入楊溪河後溪河在縣東北十五里其水受青草白土湖水至三了口入縣步河

馬路河 太湖縣西一里上流自後部河匯南陽青石羅溪棠梨諸水繞縣南又東至潛山之黃泥港會潛水入江

羅溪河 太湖縣西北二十里出司空山流經縣西匯於馬路河東流至黃泥港會潛水

後部河 太湖縣西北百二十里其上流爲銀河源出潛山之天堂山南流合羊角山水至縣西北六十里爲龍灣河匯爲馬路河

南陽河 太湖縣西北六十里源出湖廣蘄州界之沙河

青石河 太湖縣西北四十里舊名琴河

棠梨河 太湖縣西十里源出龍門山流合於馬路又縣東有
雙河源出四面山東流入黃泥港

羊角河 太湖縣西北二百里源出英山縣界東南流入後部
河

三溪河 宿松縣西北六十里源出蘄黃流分爲三匯於隘口
又南三十里曰二郎河上接三溪下接青灣爲郵傳要路每遇
山漲急流深不可涉又至縣西一里曰鉤餌河

易溪河 望江縣南五里其水束泊湖之口亦曰澈水口有三
十六斷從縣南十五里華陽鎮入於江

埭溝河 望江縣北六十里受潭湖諸流至皖口入江

蓮湖 府東十二里亦曰段塘湖多蓮菱故名上割江中水出
長楓下趨梅林達樅陽入於江

麻塘湖 懷甯縣西一百里由石碑合皖水入江

冶塘湖 府西三十里湖口有石庫渡下流出皖口入江

竹子湖 桐城縣東百二十里合白蕩破堽二湖東流入江

洋洞湖 桐城縣東北百八十里汪洋萬頃饒魚鰕之利每遇
大旱自生蓮藕環湖之民頗賴以濟又有楓林河沙河山西河
皆巨浸水出灰河入江

獨山湖 桐城縣南六十里又有松山喜園亭鴨子石石塘諸
湖與此水俱出樅陽

南湖 潛山縣南一名靈湖三面倚城多古木渟泓涵浸宜於
植蓮

鮎魚湖 宿松縣西南三十里又十里曰泥河又五里曰牌湖
又十里曰麻湖皆通大江

鰾湖 宿松縣西南八十里周迴廣闊產鰾魚故名西南入於
江

龍南蓮若湖 宿松縣南四十里中有小洲曰浮笠州涌若螺
黛隨水上下其水連白荊棠梨小黃諸湖至望江縣入於江又
二十里曰泊澇湖又五里曰赤壁湖通新溝入江明初置龍湖
太湖洿池湖張富池四河泊所嘉靖閒廢

馬家湖 宿松縣東南九十里九程阪芙蓉山下左連泊湖右
達楊潛又十里曰茅湖內多蘆葦與江逼近

泊湖 望江縣西四十里自宿松縣界龍南諸湖及縣西境之
水俱匯於此經南陽溪河而東入於江泊湖西五里有鱗湖亦

白泊湖分流達於楊溪河

慈湖 望江縣北十八里孝感山北明初攻陳友諒於安慶徐達等追至慈湖焚其舟今堙

武昌湖 望江縣東北三十里受諸山水及縣北諸川之水匯爲湖廣袤數十里又東北十里爲青草湖其東爲白土湖二湖相通受武昌湖諸水趨漳湖以達於江

漳湖 望江縣東北六十里受武昌青草白土諸湖之水流經懷甯縣西南響水河出皖口入江支流由望江縣東北之路灌口亦入江其湖四面受水頗爲田患近有洲生於湖中曰漳腹洲

太湖 太湖縣西北寰宇記源出太湖縣西稻積山東南流入大江南畿志在縣西南今爲陸地所存者其名耳縣東四十里

有小池今爲驛或卽小湖也其三湖已佚縣志縣界舊有五湖曰太湖小湖仰天湖陸鍾湖黃里湖今皆堙

桐溪 桐城縣東其源出龍眠華崖繞城西而南達樅陽入於江明永樂閒知縣胡儼所鑿至今賴之

長楓港 府東北四十里引蓮湖槐湖之水下入於江卽古長

風沙也今有長風渡自此渡江達池州舊按宋史周湛傳湛以長風沙地險鑿河十里

避之人以爲利疑卽長風渡也

源子港 桐城縣東北四十里出老洲入於江

石子港 望江縣北二十里源出縣西值雪山涼泉匯慈湖諸

水入武昌湖

黃泥港 潛山縣西南三十里太湖縣境之水匯流於此合潛

水入於江

皖水 潛山縣西北二十里今名長河亦名後河源出皖山龍

潭下東南流至縣東二里會潛水又南至石牌市與太湖縣東

諸水會又東南經懷甯縣十五里又南入江謂之皖江舊按與

縣北有賓河又北有黃花河以地勢推之黃花河疑卽皖水賓

河疑卽潛水又方輿紀要但載皖水在府西源出潛山合潛水

南至石牌市東至皖口入江流長三百四十里卽

引宋史河渠志爲證蓋皖潛同流亦通受其名也

潛水 潛山縣西北二十里今名前河源出天堂山相近之羅

源澗東南流經縣城北又東合皖水縣志源出公蓋山經水吼

嶺天柱西吳塘堰至縣西北五里曰沙河分爲二支一繞縣北

東合皖水一繞縣西而南又分二支一由黃泥港至石牌合皖

水一經縣南曰黑河明萬厯閒知縣于庭采濬之乃與縣北之

潛水合

白水源 潛山縣潛山西南眾山環之飛瀑千丈景物絕勝

桃花潭 宿松縣西二里上河口相傳汪倫送李白處也具古

蹟桃花潭舊志依江南通志並載於宿松縣志山川古蹟中今謹按

花潭汪倫裔孫至今寶李白詩

清官潭 宿松縣南三里長安山水清則官清否則汙濁頗

驗

桑落洲 宿松縣西南百二十里九江口晉劉毅與盧循戰於此

孟洲 宿松縣南四十里環洲皆湖地廣饒宜畜牧其相近者曰黃陂洲多黃壤又南四十里曰楊柳洲

老洲 桐城縣東一百六十里西南去樅陽鎮六十里六百丈巡司置於此

清水池 府西元余闕殉難於此今名盡忠池具古蹟

天池 潛山縣西北三十里皖山頂有二一方一圓周不滿丈
深不滿尺清瑩澄澈不溢不涸

洿池 宿松縣東南六十里眾水所匯池環於山中列市廛居
民饒魚鹽之利

張富池 宿松縣東南八十里其水趨泊湖達雷港入江

大雷池 望江縣東三十里亦曰大雷口源出宿松界東行二

百餘里經縣東南積而爲池又東十五里入於江名雷港亦曰

大雷江明天啟中雷港爲浮沙所塞今自華陽鎮入於江

舊按晉書

劉裕討盧循軍於雷池宋鮑照有登大雷岸與妹書

新溝 宿松縣東南七十里明初俞通海開溝三十餘里引大

河達涇江口入江

靈龜泉 潛山縣皖公山西有大石龜出水朱黃庭堅有銘

湯泉 明統志在潛山西皖公山上四時如湯可浴
司馬龍井 望江縣菩提寺北冬溫夏冷可以愈疾相傳昔有
紫沫浮井上累日始散識者曰此龍涎也

重修安徽通志卷二十五

輿地志

山川二

徽州府

靈山 府西北三十里寰宇記引新安記云靈村有山生靈香草及黃精上有靈壇祈請不焚香自然芬馥故曰靈山又引輿地志云靈山有圓石高數丈上有石蓋文獻通考靈山天欲雨先聞鼓聲又有紫霞浮邱雲林仙姑豐山葛山小武夷長春諸山俱相近

靈山互見古蹟

黃山 府西北三十里舊名黟山唐改今名山高三千七百餘丈盤互三百里當徽甯二府界

互見甯國府

世傳黃帝嘗與容成子

浮邱公煉丹於此其後又有仙人曹阮之屬栖焉漢末會稽太

重修安徽通志

卷二十五

輿地志

山川

一

徽州府

守陳業亦遯跡此山輿地紀勝云黃山諸峯有如削成煙靄無際雷雨在其下又時有鋪海之奇白雲四合彌望如海忽迸散

山高出雲外天宇曠然山有三十六峯水源如之

舊志不載峯名今補注之

有天都青鸞紫石石人桃花蓮華硃砂疊嶂芙蓉煉丹丹霞雲門紫雲軒轅容成聖泉清潭布水九龍飛龍獅子松林翠微擲昇浮邱軒轅容成聖泉清潭布水九龍飛龍獅子松林翠微擲鉢凡三十六峯又別有始信峯一培塿耳白鷺峯即李白送溫處士歸者皆在三十六峯之外石人或曰老人擲鉢或曰鉢孟疊嶂或訛勝蓮雲門或訛剪刀鍊丹峯里許曰海門光明頂爲前海獅子又有二十四溪十二洞八巖詳具山志郡國志稱天林爲後海目高二萬仞而低於黃山者以徽郡已與天目齊而此山又特高也山中多黃連紫朮有湯泉出香溪中常涌丹沙浴之愈疾西北類太華故前世亦名小華山附元汪澤民游黃山記在宣歙境雄鎮東南山之陽踰百里爲歙郡治其北三十里爲太平縣又北抵宣治所二百四十里不當通都大邑舟車之走集而游者罕至今年四月九日余始得游焉山西之麓曰焦村連峯丹碧峭拔攢蹙若植圭若側弁若列戈矛若芙蓉菡萏之開雲

煙晴雨晨夕萬狀由焦村南道二十五里至湯嶺仰視羣峯猶
在霄漢間岡阜蟠結鑿石開逕瀑布聲如雷怪石林立半壁飛
泉灑巾袂當新暑淒然而秋又十里憩祥符寺前淙流走葛
石閒山皆真松藤絡莎被下有靈泉自硤砂峯來依巖逕二小
池上池瑩澈廣可七尺深半之毫髮可鑒泉出石底累繫不絕
氣秘靜若湯酌之甘芳蓋非他疏黃泉比也明日試浴垢旋流
出纖塵不畱相傳沈疴者深雪立痊理或然也寺有南唐碑初
名靈泉院宋祥符中改今額又龍池距寺左三里許奔薄瀉石
潭中亭午照燭五色瑤瑤夜聞嘯禽聲若歌若答名山樂鳥下
山咸無有行寺旁近見數峯凌空僧指云芙蓉硃砂其尤高者
天都峯也如線不可乃止凡再宿寺中還至焦村之息游者清
之而鳥道如線不可乃止凡再宿寺中還至焦村之息游者清
里游翠微寺古松修篁石閒橫道僧橋焉覆之屋以息游者清
令靜遂已隔塵襪余爲榜曰翼然一峯卓然獨秀直峙東南隅曰
師卓錫處泉亦清美不涸不溢一峯卓然獨秀直峙東南隅曰
翠微峯其條支迴互寺居盤中故諸峯俱隱不見明發行十五
里過白沙嶺攀崖互寺居盤中故諸峯俱隱不見明發行十五
旁臨絕壁峭嶇焉不敢俯而窺又七里至絕頂歷平廣幾不容武
據石少休時晴雨旭霽環視數百里岡巒巒壑落歷歷可數九華
綠翠若蓮開陸焦村向所見峯皆平挹座閒俄頃白雲滲起遙
山近嶺如出沒海濤僅餘絕頂樣泝天漢中倏又斂藏如掃如
足者三可謂奇觀矣日暮抵寺亦信宿焉又二日從村北十里
登仙源觀至元中新安吳萬竹習靜茲壤富衍易宛陵誇詡其
勝余贈詩還山今竹存而吳逝已久林阜周密南列翠峯鍊形

引年者固其所哉既還憩吾宗公仲雲松樓越十日踰興嶺而
南所謂三十六峯者駢列舒張橫絕天表眾岫疊嶺效奇獻秀
盡在一覽行田疇竟迺登橫嶺陟小邱道在竹杉陰森中小徑
縈紆屋纔數間一僧奇龐近八十煮茗進果自言結構力田閒
則持經航空歷二十閏矣門外營草亭往來休焉庠陋將廢余
循巖曲抵白龍潭巨石谿谿湔淘衝激深不可測歲旱禱雨立
至又度板橋有小菴食澹苦修數輩居焉嘗有逃空谷者出奇
方原人疾頗眾既亡瘞浮圖中余特徵夫山水縈繞自奧可屏
塵事遂宿焉聽泉而去道途為里若干皆樵牧負販者隱度云
然非有埃以步而計也昔大德戊戌歲得茲山圖經神思飛越
而因循皓首甫幸一至至又弗克久雷而去每登山時宿雲收
雨紫翠如沐山下之人皆以為山川靈英有相之者時至元再
元之六年庚辰歲也

黃檗山 歙縣北九十里簞嶺之東接績溪縣界周百里布射

之水實出於此

聖僧山 府治西江南舊通志唐武德閒僧慧明居此故名下
有泉曰靈塘左為洗眼池巔下有石曰仙人幢明汪道昆為僧
白明建般若臺馮夢禎謂之蓮花國土又府西十里曰師山曰

太守山

龍山 府西二十里宋處士鮑宗嚴及子壽孫所居父子遇賊

爭死以求一全後揭俟斯以慈孝名其堂上有慈孝松

互見古蹟

黃羅山 府西三十里府志云豐趾而銳首俗稱南極壽山相

近者爲黃牢山所謂西有黃牢之塞也古蹟志山麓有黃隱樓

距黃羅五里曰天馬山又有魚袋山文几山南山西四十里有

金竺山迴環如列屏有南唐舒雅讀書墩幙頭石遺跡

幔亭山 在皋嶺之巔有黟石突出雲表古松蔭蓋俯瞰羣峯

攢簇如屏垣汪道昆呼爲幔亭

城陽山 府西南寰宇記山在郡之南故號城陽卽許宣平得

道之所李白尋之不遇山上有遺跡存

以上寰宇記原文

宣平隱山之

南隴一名南山又號翠微峯取宣平借問家何處穿雲入翠微

之句也山椒有芽雲亭上有仙姥峯分桃石豐隆嶺丹池浴仙池

紫陽山 府南三里高百九十仞江南通志云宋婺源朱子之父松嘗遊而樂之後寓閩中猶刻紫陽書堂小印故朱子亦以紫陽名堂示不忘也山南有許真人丹池池有翼魚四足而色蒼狀類蝦蟇

萬紫山 府南府志云一名鍾洪山高數千尋上有池曰天塘旁有故趾傳爲寶誌修道處北有觀音巖懸巖可蔽數百人近巖有金雞石矗立雲表石上赤文綠字俗傳能讀此則金雞飛鳴羅隱嘗過而讀之

龍井山 府南亦名鶴頂山府志云橫截練江雄挾魚梁澎湃之音震川谷古傳宣州刺史訪仙待渡於此所謂訪仙橋也上

建禹廟

岑山 府南十五里大溪之中其頂平夷府志元鄭玉嘗結屋讀書其上更名小焦山下爲鄭公釣臺又南曰李田山二十五里曰孔靈山晉孔瑜讀書處三十里曰石岫山

石耳山

府南四十里府志云峯石皆倒垂如蓮瓣多藥草

柳亭山

歙縣南百里明統志周四十里舊名昌山昌溪之水

出焉南有飛來峯

烏聊山

府城內東南一名富山漢末邑人毛甘以萬戶屯此

元和郡縣志云上有毛甘故城寰宇記云歙帥毛甘領萬人屯

烏聊孫權遣賀齊平之見吳記隋末郡人汪華據郡亦駐兵於

此今有汪華廟亦稱廟山下有鄭仙姑井其北曰萬山又東北

曰斗山一名七里山又有東山

問政山 府東五里一名華屏山唐有于方外者自荆南掌書記棄家學道於此其從弟德晦刺歙州來訪之爲築室山上號問政山房絕壁有宋黃臺題詩云千尋練帶新安水萬仞花屏問政山又一名華屏山山椒有高眉峯有萬仞花屏亭興道觀又有鐘樓峯峯後有寶相寺有泉甚甘冽相近爲石壁山紫芝山

飛來山 在問政山西相傳嘗有鳳飛集生八子於此上有鳳岡精舍處士畢元所棲商輅題額卽秀野莊也入山小徑旁有朱子外家祝氏舊居祝遷崇安朱子自閩歸過之題舊時山月四字卽兵馬使畢力忠長春園

紫金山 府東三十五里府志云舊名金紫山相傳暮夜每有光氣宋紹興十八年舊尙書章侯睹而異之因取釋典改名紫

金徙白蓮院於其上旁有瀑布曰排泉又五里曰大金山十里曰萬羅山

石鼓山 歙縣城南方與勝覽天欲雨往往聞鼓角聲

玉屏山 府治東北端峙若屏風泉傳響常吐飛溜下寬廣可屯軍明太祖定徽駐蹕其下改名駐蹕山前代謂之玉帳遺蹤京兆畢懋康構西清館池產紅白並蒂蓮又顏云華萃山又東南曰馬牽山又西曰白龜山

雲嵐山 府北七里唐越國公汪華葬此俗名雲郎又府北十五里有鳳皇山舊產茶名甘白香

飛布山 府北二十里一名勒山亦名主簿山昔有主簿葛顯率邑人保聚於此唐天寶中改今名上有甘露洞山高百七十仞周二十七里實府治後障左支爲驤唐山右支爲飛岑山中

支爲雞冠山

鳳皇山 休甯縣西二里一名靈鳥山明金聲讀書處地理志
孫吳時休陽縣治在此

南當山 休甯縣西三十六里南當水出焉

白嶽山 休甯縣西三十里奇峯四起絕壁斷崖有飛動之勢
游齊雲者先登焉山之西曰石門巖唐乾元中道士龔棲霞隱
此山之南曰密多巖

獨聳山 休甯縣西五十里山嶺有池可資灌溉有洞極窈窕
志唐乾元中嘗投金龍於此

高湖山 休甯縣西百二十里南接婺源山椒有湖四時不涸
人稱聖湖又西北五十里有鹿髀山昔有采藥者遇老翁指靈
藥示之仍遺以鹿髀因名

率山 休甯縣西北六十里一名張公山相傳昔有張公隱此

故名山由五嶺西北鬱積而來高千數百仞盤踞休婺之間鄱

陽浙江之水皆源於此古為三天子都相近有黃竹嶺岡隴盤

鬱連饒州浮梁界附明吳度三天子都考吾郡三天子都亦稱

山海經諸家解釋惟汪氏之記為允經曰三天子都其說肇自

北又白浙江出三天子都在率東又曰盧江出三天子都在閩西

彭澤西張氏土地記云東陽永康縣東四里有石城山上有小

在城云黃帝曾遊此即三天子都也其說不足取郭璞注云今

縣南蠻中東入海今錢塘浙江是其邊也又云浙江出新安

謂在縣一謂在歙且謂歙即為歙尤為背謬蓋漢時吾郡止歙

歙二縣其後析置諸縣今休甯祁門婺源皆析自歙績溪析自

休甯縣俗名張公山何喬遠輿地紀云休甯縣山曰率山水曰

率水山海經浙江出三天子都山在率東其說漸為近之惟汪

循率山記更為詳確記曰或以績溪大鄣山為山海經所稱三

天子都非也水經漸江水出三天子都山在率東廬江出三天

子都入彭蠡今惟率山之水山陰山陽一東一西而流入於江

者與古脗合嘗遊率山見巨石上鐫三天子都字即三天子都

也其說詳確不可易矣大抵言山必徵諸水言水必徵諸山若

禹貢導河積石嶠冢導漢之類徵諸水者也南至華陰東至砥柱之類徵諸山者也故禹貢爲千古記山水之要典汪氏以浙江廬江二水爲證始知三天子都所在得禹貢遺意矣近日吾邑有老生云三天子都分在三處而黃山擅其一其說漫無根本適吳下顯者來遊黃山遂取而載於遊記不知吾邑溪水十餘支皆編竹爲汭而行惟休甯率山之水足通舟楫黃山雖奇秀其趾有水名豐樂溪亦與眾溪相類卽水經注所謂小溪之一支耳旣非浙江所自出與今不合安得指爲三天子都乎故言三天子都者惟汪氏之記爲允

戴公山

休甯縣西南五十五里河村戴彥明開爲三省通衢

顏公山

休甯縣西南六十里古有顏公隱此因名中多異蹟

山之高自麓至巔可三十里

錦堂山

休甯縣南十里孤峯特立趾圓而頂平宋江慶受業

胡瑗歸結廬教授於此

白際山

休甯縣南八十里其山由五嶺而來連峯不斷下有

元萬戶吳納與胡大海戰地又縣南九十里曰雞籠山

方原山 休甯縣南百一十八里本名黃土山唐天寶六載改
今名又名馬金嶺其陰則水北流入率江其陽東流者入於嚴
州府之遂安西流者入於衢州府之常山界而皆趨於浙江又
南曰烏龍山陽昕山

遊仙山 休甯縣東南三十五里平地特起南有石壁削成數
百尺呼之輒應又名響山又東南七十里有仰山路徑險絕號
十八盤

玉几山 休甯縣南三里一名塔山兩旁峯有十二文筆五峯
築自宋元巽丙丁峯築自明代爲縣面山

岐陽山 休甯縣南五十里又名旗山發脈馬金嶺璜源珮琅
二水夾山而流

萬安山 休甯縣東十里府志云卽萬歲山一名古城巖隋末

汪華築郡城自黟徙治於此宋宣和間改名明洪武時復名萬壽山山麓兩石夾立如門萬歷閒縣令祝世祿建還古書院一稍雲山 休甯縣東北二十三里武洪之水出焉舊名郎山唐天寶六載改此今名榔原山

松蘿山 休甯縣北十三里俗名金佛山蜿蜒數里如列屏障於縣治之後山巔片壤產茶爲天下最相連者曰天葆山三十里曰萬松山

東山 休甯縣西北十五里元趙汭從江西黃澤受春秋歸築精舍於上虞集爲譔記

石坼山 休甯縣西北四十里山中坼故名夾溪水出焉

白鶴山 休甯縣城東南上有李花鳴花時望之如瑤林玉樹有泉名東山泉

軍營山 婺源縣城內西北隅相傳有五代時屯兵營陟山形蟠結如蛇故昔稱蚺城縣治立焉

天堂山 婺源縣西北四十里爲邑治龍脈山甚奇秀又十里曰船槽嶺峽爲龍脈過峽處明嘉靖後居民鑿石燒灰致傷山脈歷任縣令每刻石禁之

查公山 婺源縣西城外府志云南唐宣歙觀察使查文徽及宋御史查陶二墓在焉文徽與縣令廖平講學於此後人刻其山之石曰查公山廖公泉

石老山 婺源縣西六十里三峯聳秀頂上廣數百畝有吳王墓有龍潭其東爲古城山外峻中平出口處僅丈許宋岳飛營屯軍其中

三靈山 婺源縣西九十里

溶源山 婺源縣西百一十里西南連江西之浮梁樂平界又
名鳳遊山溶源之水出焉山畔有大安洞

梅源山 婺源縣西百二十里本名梅山唐改今名一名翀山
山產楊梅充貢梁任昉爲郡守奏罷之相近有梅嶺爲徽饒通
衢又有吳源山嶸嶠山俱界樂平

福山 婺源縣西南四十五里又名太極山府志云外翕內闕
若城郭厥土左剛右柔明湛若水講學於此有總靈洞天窗洞
其與福山對峙而隔溪相望者爲善惡二山祥符經善山神爲
王惡山神爲夫人俗稱夫婦山亦見元和郡縣志

寔字記謂之妻壻山

嶸嶠一作嶸山

婺源縣西南一百里周迴數十里西接江西樂

平縣界漕溪水出焉宋張敦頤許月卿元程文相繼讀書於此
附近有仙女巖峯最岑崒有金鏡巖水清皎若鏡

桃源大衝山 婺源縣東南六十里府志云懸崖飛瀑數百尺西十餘里爲龍行石龍跡蜿蜒又七里有龍洞元延祐中判官許松賦詩禱雨有民命望懸三尺水神功願乞一年秋之句投洞中雨隨至東有鷹嘴山又有小劍山接浙江衢州府界方山 婺源縣東二里南唐朱寬讀書於此墨池猶存又三十里曰黃連山

石耳山 婺源縣東九十里界接浙江衢州府其高不可仞計山之南有八景其支脈曰大鱗嶺相傳洪水時有大鱗上游至此而名

舊按府治亦有石耳山

屏障山 婺源縣東九十里方峙如屏古阮水出焉下開平壤曰大坂爲舊驛道

龍尾山 婺源縣東百里芙蓉嶺之支也西連武溪山石有羅

紋可爲硯唐開元中獵人葉氏見山石瑩潔由是世傳寶之一

名硯山又名羅紋山以石理相似得名

江南通志亦名芙蓉溪

斜山 婺源縣東北八十里斜水出焉

朗山 婺源縣東北八十里一名闌山西連迴嶺趨府城捷徑

蓮花山 婺源縣東百里接浙江衢州府界羣峯狀若蓮花中

有龍湫禱雨時應

五珠山 婺源縣東北四十里山形橫峙凡五起五伏如貫珠

故名有龍湫旱禱輒應舊名五株山相近汪口村東有煙樓峯

遠望可百里朱岳飛軍於上流中平鎮以此峯頂望敵人往來

旌旗舉煙火因名

圓鏡山 婺源縣北七十里山頂連峯插天山半頓起華蓋其

圓如鏡南有石筍突起相近有高貴山

大廣山 婺源縣北九十里婺水出焉一名大尖山又十里有金剛山有黼峯有九陽凹山

石龍山 婺源縣西北十七里寰宇記山東北面有石龍洞洞兩畔有石對聳爲門如鵲鑿所成杭溪水出焉

鷺峯山 婺源縣西北六十里層巒聳翠總名獅山桃溪水出焉

迴嶺山 婺源縣北百里有峯高聳爲趨府閒道武溪水出焉相接者曰覺嶺

浙源山 婺源縣北九十里一名浙嶺邑中諸水多西入鄱陽惟此山之水東會休祁黟縣諸水至歙浦又會績溪歙諸水赴浙江故名浙源之大灣有平鼻嶺

廬嶺山 婺源縣北百里有長清源廬源之水出焉

大連山 穆源縣北百二十里高四百仞周九十里接休穆界
祁山 祁門縣東北一里三面皆石壁上有棲真青蘿二巖旁
有泉甘冽

鳳皇山 祁門縣南又十里曰白石峯又十五里曰王公峯高
出萬仞不與諸峯接南唐謝詮棄官居其下

主簿山 祁門縣西六十里方輿記昔黟縣有主簿愛此山幽
奇解官居此

歷山 祁門縣西八十里西界石埭山極高峻頂有大池池中
有石馬

互詳池州府
石埭縣樅山

櫟根山 祁門縣西百里迤連建德縣界

新安山 祁門縣西百一十里奇秀異眾山郡名新安取此與
此山南北相望者曰九峯山又縣西百二十里有西峯山上有

銅鼎鐵笛錫杖唐五臺僧所遺

九龍池山

祁門縣西百四十里自西峯至江家山爲龍者九

巉崖峭壁人跡斷滅小北港之水出焉

道人山

祁門縣北二十里山半有巖巖前有池又北十里有

不老山產方竹

石新婦山

祁門縣北三十里有三石峯類人形每霽色暉映

雲霞明

媚有若靚粧炫服故名相近有石鐘石筍二山

大基山

祁門縣北五十里界接石埭大基之水出焉亦作大

洪山

杯歷山

黟縣西南十里四面壁立徑路危險吳志漢末平陳

僕祖山等十寇卽此山也山上寨基牆壁尙存鋤者或得箭鏃

東有石洞西有瀑布自千丈崖瀉下又有仙人碁盤石曰常見

金燈如千百流星飛墜

武亭山 黟縣西南十八里橫江水出焉危巖削壁宋時邑人黃元暉始贅路行者便之

碧山 黟縣西北八里北接石孟南面靄峯爲邑之鎮山又西北二十里曰章山章水出焉

石孟山 黟縣西北十餘里山有巨石廣數十丈中坳如孟坳中有泉四時不竭

戢兵山 黟縣北十五里本名石鼓山唐天寶中改今名邑圖云有石如鼓有石人石驢相傳石鼓能自鳴則驢鳴人哭後鑿破之遂不復鳴

牛泉山 黟縣北五十七里東界太平顧野王輿地志牛泉嶠通故廣陽縣自下至頂每九里一頓凡九頓山路隘處纔七八

寸臨不測之溪山常多風木雖合抱而長不及丈無大枝惟南向有之山頂有泉方闊丈餘名曰牛泉云牛趵所致以上並見憲字記

又北三里曰五溪山

五溪山 黟縣北六十里峯巒聳峻常爲雲霧所隱派分五溪故名山半石崖下有龍湫凡雲禱時遠近請水以壺置其上水涌壺中霖雨立沛五詳池州府

三姑山 黟縣東北十五里一名吉陽山上有三峯其中峯有瀑布寔宇記云三年野火一燒非時燒之則雨新安記云天將雨此山先有鼓角聲

東山 黟縣東五十里峭絕人跡罕到又十里曰石燕洞幽邃可容百人

石門山 黟縣東南二十里鑿石爲門下瞰深潭壁立千仞緣

崖鑿路僅通人步絕處以木爲棧古號小劍門有建中靖國年號鑄刻尙存

魚亭山 黟縣南三十五里寰宇記每歲江西魚船至祁門捨舟登陸止此東水次待船故名

復山

黟縣南三十六里一名阜巖山寰宇記

今按寰宇記無此文江南通志

是方山極孤峻石壁四絕亦謂之五碩礫其絕頂有泉長流不竭昔鄉民常避亂其上賊意山高無水欲持久困之鄉民投生魚示之賊遂引去其南爲天潛山以多隱君子得名

靄山 黟縣南十里唐李白詩靄峯尖似筆明統志上有五色雲氣望之靄然故名

石照山 績溪縣東五里有石壁立方廣二丈光可鑑物故名石屋山在石照山後其石宏覆如屋下平踞若臺前出爲流雲

洞

梓潼山 績溪縣東南一名樓臺山上有白石宛似人形又東曰大屏山勢如列屏

龍鬚山 績溪縣東二十里高五百仞山頂一池雖晴明亦有雲氣旱禱輒應

七姑山 績溪縣東三十里上列七峯如櫛

大石門山 績溪縣東四十里有石崖崑數十丈夾峙如門又四里爲小石門宋寶祐閒闢爲磴道凡五里餘由此東達浙江臨安縣界

大鄣山 績溪縣東六十里一名玉山爲邑鎮山高五百五十仞周百五十里秦立鄣郡取此相連有雙峯山湖田山距縣百餘里有龍塘山麓從小徑入縈紆嶮巖懸絕處則倚木架梁而

進當徑有石洞最上有池

唐金山 績溪縣東南九里三面臨水有泉出石穴極清冷飲之除煩熱

翠眉山 績溪縣西一里兩山低平橫立左右如眉故名舊有翠眉亭宋蘇轍爲縣令時遊咏處

大會山 績溪縣西四十里高聳特出眾山環峙莫能並陟其巔可望太平宣城之境又西曰漂山曰石鶴山聖泉洞又西曰古山

微嶺山 績溪縣西北十五里一名大尖山微水出焉王安石

有度麾嶺詩作麾字又詩曉度藤溪霜落後夜過輦嶺月明中

麾作輦字輦字記載績溪有大徽村改州爲徽取此今按輦字

舊志誤當從江則從微其本字爲是西北連凜山佛論新嶺東南志作廣輿記

抵叢山關南接大部水源有二陰入旌德陽流歙浦

新嶺山 績溪縣西北三十里與徽嶺山連地稱險隘

蘆山 績溪縣西北四十里山左之水東流過旌德入揚子江
右則南流經縣界通錢塘江

古塘山 績溪縣西北四十五里一名葛羅山昔有塘溉田十
頃

蒿山 績溪縣西北五十三里與古塘山徑相連西至黃石山
爲旌德縣界

蒼龍山 績溪縣北十里一名蒼龍鴈向有瀑布環碧汝霖賓
日四亭今皆圯惟一潭甚深俗傳龍藏於中故名洞口多龍鬚
草下垂二丈餘

大葵山 績溪縣北六十里其山周迴百里前踞潭水蹲形矯

首有犬之象山半有仙人崖中產異茶俗呼劉隱茶下有白龍洞

郎嶠山 績溪縣東北十五里寰宇記下有朗溪驛路在焉兩崖石壁長數百步直下數百步不生草木明統志今名翡翠巖石金山 績溪縣東北二十里絕頂有菴遠眺千里

龍從山 績溪縣東北二十九里一名碧叢山其山四合中一徑通甯國縣界互詳甯國府舊有寒呼爲叢山關下有巧溪亦名楊溪

猗溪山 績溪縣東北八十里周八十里東連甯國西接龍從山登山出焉

披雲峯 府治西南二里城陽山右高接天宇俗謂之西峯上有披雲亭唐宣歙副使魏宏簡爲張友正建山麓有呂渭讀書

堂

頂游峯 黟縣西南十里林歷山西一名丁峯一曰南山

登仙峯 府志傳爲仙曼都飛昇葬衣冠處峯頂有飛龍阮澗

水宛曲爲都浴處名曰浴石相近有春夏秋冬四山又有謝公墩謝安曾訪曼都過此

昱嶺 府東南百二十里山谷閒無跬步夷曠者宋岳飛開道由三嶺出遂爲康莊境接浙之昌化

筭一作筭嶺 府北八十里上多筭竹唐汪華所開通旌德太平

爲府要衝又有雙嶺烏泥嶺嚴嶺俱相近

互詳甯國府

危峯嶺 歙縣北九十里西接休甯白際山其東爲方吳嶺石門之水出焉嶺顛小嶺十二可通浙之遂安皆隄要處

容嶺 休甯縣東有木石糖出樹空石罅中梁書任昉爲新安

守郡界密容嶺出糖長吏每遣百姓就採之昉以所處險遠罷焉

新嶺 休甯縣南七十里周二十里西連婺源芙蓉諸嶺名五嶺往來通道嶺南有地名黃茆可由小徑直達防禦要地

黃竹嶺 休甯縣西一百六十一里張公山西支也與江西浮梁縣接界地當阮塞嘗置巡司

塔嶺 休甯縣南八十里接婺源界明正德八年知縣唐勳破桃源洞寇於此更名得勝嶺

芙蓉嶺

婺源縣東八

府志江南志俱作七

十五里高千餘仞周三十餘

里與對鏡羊鬬塔嶺及休甯之新嶺通號五嶺其絕頂爲芙蓉峯又名靈山宋初建碧雲菴爲南唐何令通棲真之所對鏡嶺在縣東九十五里羊鬬嶺在縣東一百五里

譚公嶺 婺源縣東七十五里明萬厯中知縣譚昌言以芙蓉嶺往府道險更闢徑於江灣之左近可十里副使汪國楠爲之記

赤嶺 祁門縣西百里嶺下有溪祥符經云昔人爲梁取魚魚不得下遂夜飛越嶺而去人復張網嶺上飛不得過者化爲石遇雨則赤吳都賦所云文鱗夜飛而觸綸蓋此類也

榔木嶺 祁門縣東五十里嶺下水分東西東入錢塘江三百六十灘西入彭蠡湖亦三百六十灘嶺雖平坦以水勢觀之高可知矣

武陵嶺 祁門縣西四十里始極峻險唐元和中縣令路閔恭字鑿石爲盤道至今便之

禾戌嶺 祁門縣北五十里接太平縣界柏溪之水出焉

墨嶺 黟縣南十六里山產石墨縣名黟以此土人採之久而成井

西武嶺 黟縣西三十里今稱西武關過嶺爲祁門縣界

績溪嶺 績溪縣城東五十里爲浙界山又東十里曰聞鐘嶺
佛論嶺 績溪縣西北四十里周四十里練溪之水出焉

古巖 府西二十五里寒山里巖有石洞其上丹崖層峙稜稜
露石骨有巖橫互形如覆屋可容十許席唐會昌中建古巖院
僧多著名

蘭將軍巖 府南十五里相傳隋蘭亮屯兵處

齊雲巖 休甯縣西十餘里白嶽山西北路迴如線遊者緣梯
以升所經勝處極多乃至於巖黟祁歙婺之山一目可盡也宋
程秘書雲巖二字刻於石前一峯特起爲香爐峯又謂之淩虛

巖明嘉靖中敕改齊雲山山有五老峯南一石卓立曰天柱又獨聳巖北一石洞屏榻整然殆異人隱處府志云殿創自宋寶慶其像爲百鳥銜花塼成後兩經火一髮不燬

石橋巖 休甯縣西六十里一名岐山石壁千尺橫亙如梁府志云唐刺史韋綬立精舍名石門寺明湛若水建天泉書院講學有通霄峯有金紫太極諸巖

東密巖 休甯縣南三十五里周迴絕壁如城其頂平衍府志云唐末黃巢寇郡郡人程湮率眾立寨拒之今水池塹壘猶存十里巖 績溪縣東北十里壁立奇險又東二十五里曰百丈巖有石方廣百丈壁立如屏下臨深潭鑿石爲橋

逍遙巖 績溪縣東八十里巉峴陡絕爲通浙江杭州小徑

跳石 輿地紀勝在歙縣西北五十里溪水中

臨溪石 績溪縣東三里寔宇記石臨溪岸方圓二丈其平如砥溪水甚宜浣紗數里內婦女悉來浣紗去家既遙遂於石上績而守之方輿紀要縣北三里有浣紗溪溪涯有浣紗石一名臨溪石

黃墩 府西三十里晉新安太守黃積卒於官子孫因家於此故名今墓尙存明程敏政易爲篁墩以地多修篁故也陳程靈洗唐朱師古皆居此程爲河南二程子之祖朱爲婺源朱子之祖明欽令劉仲縣人趙滂建三夫子祠曰程朱關里

靈巖三洞 婺源縣西北百二十里東北曰慶雲洞巖竇皆五色有鸞鶴雲霞之象西曰蓮花洞有大石室刻石像傍有羽蓋旒節皆乳石所成南曰含虛洞洞有二重中有仙雲帳雪崖香嶺又北曰瓊芝洞朱子題名在焉名爲三洞竇四洞也詳戴銑

遊記又有六洞合爲九產硯石色紫如肝其瑩者可擬端溪

青苓洞 婺源縣西八十里南北門相通中有物象如靈巖三

洞

祥雲洞 績溪縣西十里上下二洞盤曲相通其上洞奧曠如
廈可坐百人頂有牖螺旋而上又去四十餘里有聖泉洞洞右
兩山對峙下臨絕壑其上有石相接如橋

練江 環繞府城揚之布射富資豐樂四水分派合流直瀉如
練而抵於城南是名西溪一名微溪其水注於漁梁抵歙浦而
合於新安江

新安江 府南一府六縣之水俱自歙浦流入爲新安江下流
至嚴州合金華水入浙江其水淺深見底爲灘三百六十水經
注浙江又北經歙縣東水甚清深潭不掄鱗沈約詩洞徹隨深

淺皎鏡無冬春謂此

洋湖 休甯縣東南一名陽湖屯溪眾水所會也

黃墩湖 休甯縣西南四十五里一名相公湖梁末程靈洗射
蜃處亦曰蛟潭東北流經府西南曰南岡浦合於東溪

昉溪 歙縣北四十里梁太守任昉行春至富資緣源尋幽累
日不返後人因以名溪唐大中時刺史盧潘改爲任公溪溪上
有石爲任公釣臺

舒溪 源出歙縣

互詳甯國府新增

屯溪 休甯縣東南會南東二港之水而東注歙浦

白鶴溪 休甯縣西二里發源黟縣吉陽山由白嶽山下過藍
渡至縣界與夾源水合東流於屯溪與南港會是爲東港

績溪 績溪縣東壘水與揚之水交流於此有如績焉

南港 休甯縣南率水所會及諸山嶺之水俱入於此

東港 休甯縣東白鶴夾源二水所會及諸山嶺之水俱入於此接於南港

大小北港 祁門縣西源出樺根九峯西峯九龍池及新安山之水曰小北港源出赤嶺良禾嶺歷山諸水曰大北港俱會於大其水

豐樂溪 府西三里源出黃山湯溪南會曹阮二溪過仙人臺溢於昌場匯於狀元潭流經巖鎮潁水會之又東南與富資水會流入於練江

富資水 府北一里出歙縣窮嶺會布射水入於績溪下歙浦布射水 出歙縣黃檗山元和志謂出飛布山南流至縣治會揚之水注於歙浦

率水 發源休甯縣率山其陽水南下而西流者過饒州會於彭蠡其北水源有二皆自山顛瀑瀉而下一從望仙巖流出梅溪口入祁門界合孚溪水一從高湖尖流出彭汭皖口東與梅溪孚溪水會又東至江潭溪浙源之水赴焉流經南港東港又會於率口而入於歙浦亦名漸溪卽古漸江也漢功臣表陳嬰定豫章浙江都漸水經漸江水出三天子鄣

汭水 休甯縣南自璜源出汭口與佩琅水合匯入南港一名紫雲溪

源阮水 休甯縣西源出鹿髀山南流入浙溪

璜原水 休甯縣南源出方源山陰北流四十里會汭水入浙溪又出揚之水東別爲遂安西別爲常山會於金華入浙水

五城水 休甯縣南四十五里源出婺源五嶺流入縣境達於

龍灣溪口

南當水

休甯縣西源出南當山北合吉陽水又東南注浙溪

夾溪水

休甯縣西源出石坂山南流會吉陽水

夾源水

休甯縣西北源出石坂山南流環繞縣城與白鶴溪水會流至屯溪入於歙浦

浙源水

婺源縣東北源出浙源山東東流至休甯縣會休夥

諸水東入屯溪又南入歙浦

武溪水

婺源縣東北源出浙源山西爲浙源西水會於武溪

流經江西之樂平入鄱陽湖又廬源水出廬嶺益陽水出浙源

山小斂水出小斂山濬源水出濬源山杭溪水出石龍山俱入

武溪

婺水

婺源縣西北源出大廣山過石門灘南繞縣治又南會

於斜水入武溪

大鱸水 婺源縣東源出大鱸嶺水有二東流者至衢州入浙江西流者合斜水入於武溪

古阡水 婺源縣東源出平障山後繞南麓西合濟溪水注鱸溪

漕溪水 婺源縣西源出巉岨山南流三十里過烏龍潭注爲漕溪亦曰澧溪至漕村入廬水

梅源水 婺源縣西源出梅源山東會於浙源西合武溪

沱水 婺源縣其源有三一出金剛山爲黃村水一出平鼻嶺爲燕山水一出九陽黼峯爲理源水合於三溪口南流會浙源水

繡水 婺源縣城北會諸山港之水繞城三面其文如繡下流

入於武溪

大其水 祁門縣北源出大其山流至秀溪霄溪下閭門灘會北港水直注倒湖入鄱陽又新安水出新安山廬溪水出梅南山俱匯於大其水

禾戌嶺水 祁門縣北源出禾戌嶺南流歷柏溪抵胥嶺北與大其水會

武亭水 祁門縣東北源出黟縣武亭山西流爲柏溪又西南合禾戌嶺水入大其水

赤溪水 祁門縣東水有二東流者入於屯溪西流者會大其水又有榔木嶺水亦東入屯溪西會大其

王公峯水 祁門縣東南西流出靈山口與大其水合

武陵嶺水 祁門縣西源出武陵嶺有二水俱與大其水會

章水 黟縣北源出章山東南會橫江水入屯溪注於歙浦

橫江水 黟縣西南源出武亭山東會於章水

吉陽水 黟縣東北源出吉陽山東過噎潭又東至白茅渡會橫江水又牛泉水合於此

牛泉水 黟縣北源出牛泉山逕石鼓山麓東南會吉陽水

魚亭水 黟縣南源出魚亭山東至魚亭口會橫江吉陽二水合於章水

揚之水 績溪縣北源出龍嵒山其一北流逕叢山關入甯國界其一南流至大屏山乳水注之又南至靈山輦水注之又南至象山又東會登源西會上溪二水合流入於練溪又大小母竭水出靈山綿溪水出佛論嶺昌溪水出柳亭山及休甯之武洪水俱匯於此

登水 績溪縣東北源出猗溪山南流合大鄣山水

大鄣山水 績溪縣東南源出大鄣山郭璞所謂浙江水也西南流至象山下合揚之水爲臨溪又西南流逕歙縣界爲練溪繞府城西又南至歙浦與浙水會

徽水 績溪縣西北源出徽嶺東南流爲徽溪過來蘇渡入揚之水

互詳甯國府

蘆山水 績溪縣西源出蘆山南流入揚之水又常水在縣西北源出黃檗山南流會揚之水

乳溪水 績溪縣北東流爲浣沙溪入揚之水

九龍潭 府境丞相原道中九泉噴射破山而出雷砰電擊故名九龍

釜底潭 寔字記在休甯縣南二里揚之水中周二百尺其面

正圓下斂如釜底有斜穴潛與殷公井通

洞井潭 歙縣東北四里一名石壁潭周二百尺

富郎潭 休甯縣東二里旱禱卽應

千秋潭 休甯縣東十七里名勝志從落石臺而東循溪二十里曰千秋潭潭廣十丈餘深不可測每天旱禱之龍自潭出風雨交至潭之東曰仙掌上有古松五株

石牛潭 休甯縣南十里舊志旁巨石如牛歲旱塗其背則雨

石印潭 績溪縣南五里潭中有方石如印

玉龍潭 績溪縣西北二十五里潭中巨石有文如兩龍長丈餘

歙浦 府南十五里今名浦口練江漸江合流奔駛任昉赴郡有滄江路窮此湍險方自茲之句

呂公灘 休甯縣東南十二里一名車輪灘寔宇記亂石淙流中無港道行船環曲有如車輪唐刺史呂季重募工鑿之疏爲安流故名

閘門灘 祁門縣南眾水所注有兩巨石對峙如門其灘流常覆舟唐元和中縣令路閔恭代字開斗門以平其險人呼路公灘後相繼疏導今爲安流

深渡 府南四十五里新安江經此寔宇記與睦州分界處峯巒掩映狀若雲屏實百城之襟帶宋元俱設官於此明廢龍泉 婺源縣北七十里旱禱有應唐呂洞賓書飛龍巖三字石刻尙存

洗心泉 婺源縣西四十五里福山寺右

湯泉 歙縣北亦名硃砂泉寔宇記在休甯縣北北黟山東峯

下香溪中泉口大如碗出於石澗熱可燂雞卽此泉也

按水經
祥符州

圖經黃山圖經並
作陂山北字衍文

羅公泉

績溪縣南二十五里自地中騰涌直上數尺王圻續

文獻通考羅公泉大旱不竭灌田百餘頃

五井

婺源縣西七十里有仁義禮智信五井義泉最甘